

REFERAT PNA - Paamiuni Najukkami Ataatsimiititaliaq d. 11-10-2022

Mødedato Tirsdag d. 11. oktober 2022 kl. 20:15

Mødested Kommuunip ataatsimiittarfiani

Indholdsfortegnelse

Saqqaa.....	3
Nalunaarutit.....	4
Aningaasaqarneq 2022 - September.....	5
Peqqinnermut Sammisqaartitsinermullu immikkoortortaqarfimmiit allakkat.....	6
Tamalaat.....	7
Imaqarniliap akuerineqarnera.....	9

Punkt 1: Saqqaa

Paamiuni Najukkamik Ataatsimiititaliami ilaasortat:

Siulittaasoq, Andrine Jensen

Siulittaasup tullia, Sussi P. Mikaelson

Ilaasortaq, Linda Petersen

Ilaasortaq, Pilunnguaq Hegelund

Ilaasortaq, Lucia Møller-Grønvold

Beslutning

Sussi P. Mikalesen napparsimavoq, taamaattumillu ataatsimiinnermi peqataasinnaanani.

Punkt 2: Nalunaarutit

2A: Najukkamik Ataatsimiititaliami ilaasortat ataatsimeersuartarnerat.

Qitiusumiit allakkatigut ulloq 19. september 2022 nalunaaruteqarpoq, siusinnerusukkut isumaqatigiissutaasimasoq, tassalu ukiut allorlugit Kommuneqarfik Sermersuummi Najukkamik Ataatsimiititaliami ilaasortat tamarmik peqataaffigisaannik ataatsimeersuarnikkut isumasioqatigiittarnerat unitsinneqartoq. Tamannalu borgmesterimiit aalajangiinerusoq ilisimatitsissutigineqarpoq.

Borgmesterip kissaatigaa, piffinni ataasiakkaani Najukkamik Ataatsimiititaliam ilaasortat najugaqarfimminni namminneq aningaasaliissutaasimasut toqqammavigalugit suliniuteqarlutik ingerlatitsissasut, tassani malittarisassat tunngaviliunneqarsimasut toqqammavigalugit.

2B: Allattoqarfimmiit ersarissaaneq.

Najukkamik Ataatsimiititaliami siunnersorti, Najukkamik Ataatsimiititaliami sulinermi toqqammaviliunneqarsimasut/malittarisassat pillugit saqqummiissaaq.

2C: Innuttaasunik ataatsimiisitsisimaneq ulloq 22. september 2022.

Beslutning

2A: Uggornarpoq taamaatitsinneqarmat.

2B: Tusaatissatut tiguneqarpoq.

2C: Iluatsilluarpoq. Aasap tungaanut ataavartumik killiffissiortarnissaq pingaaruteqarpoq. Aasanut suliap iluatsilluarnissaa siunertaralu.

Punkt 3: Aningaasaqarneq 2022 - September.

Ulloq 4. oktober 2022 aningaasat atorpeqarsimasut killiffiat takuneqarsinnaavoq. Aningaasat kr. 124.625,49 atorpeqarsimapput. Aningaasat ukiup sinneranut atugassat ukuulerput: kr. 225.374,51

Beslutning

Ukiup sinneranut aningaasaliissutaasimasut piviusunngortinnissaat piaarnerpaamik isumagineqassapput.

Taassumap saniatigut snescooterinik pisiniarsinnaaneq formand suleqatigalugu allattoqarfik paasinaassaaq. 70.000 / 80.000 kr. tungaanut akilinnik ujaasisoqassaaq.

Punkt 4: Peqqinnermut Sammisqaartitsinermullu immikkoortortaqarfimmiit allakkat.

Hej!

Sermeq puljemit aningaasaliiffigineqarluta aqqissorsinnaalersimavarput maani tikeraartoqarnissaq, Nipilersornermut ilinniarfiit, Tasiilaq aamma Paamiut, sungiusaqatigiittarnissaat, taassumalu saniatigut - Tasiilarmiut swinngillaqqissoorsuummata - ulluni 10. -11. -12. - 13. ualikkut na. 14 - 16 tamanut ammasumik - soorunami atuartut ukiaanerani atuannigiffeqartut samminerullugit - swinngertitsisarniarluta.

Angalanissami periarfissat pissutaallutik Tasiilamit tikeraartussagut maaniissapput 06. - 20.10., nipilersortartullu Pele aamma Glenn Møller, aammalu Tupaarnaq Mathiesen, maaniissallutik 12. - 20.10.22.

Pisussap aqqissorsoneqarnerani takusinnaasakka malillugit Najukkami ataatsimiititaq arlaatigut akuutinneqarsimanngilaq, nipilersortartunik tikisitsiniarneq pillugu, aqqissuiniartut, Linda Møller Petersen aamma Pilunnguaq Hegelund, ilanngullugulumi najukkami ataatsimiititap allattua, 07.09.22 nalunaarfigineqarnerisa saniatigut.

Ilanngullugu nassiuppara pilersaarutaasoq, pilersaarutaagallartuni sapaammi 16.10. nal. 14-umiit aliikkusersuinissaq tamanut samminerusumik kisimi pilersaarutaavoq, taamaammallu taamatut ilinnut saqqummiuppara Najukkami ataatsimiititaq maaniittoqarnera iluatsillugu unnessiuartitsinissamik ingerlatsinissamik soqutiginninersoq paasiniarlugu - tikeraartugut immikkut paasiniaavigineqanngillat, kisiannili soorlu ajornassanngikkaluaq unnuut arlaanni tikeraartut tikilluaqqullugit unnessiuuqqatiginissaat, immaqa swinngimik ilinniarnep naammassinerani, - imaluunniit tallimangornermi, ilinniarsimasut takutitsiitigalugit, allanillu soqutiginarunik aamma immersorlugu, soorlu:

- Maani uaajeertartut,
- qilaatersulaartoqarsinnaaguni (immaqa Tasiilarmiut arlaannik?)
- Nipilersornermut ilinniartut ilinniaqatitik, Tasiilarmiut ilagalugit ataaseq/marlunnit appillutik,
- Pele aamma Glenn Møller ataaseq/marlunnik appillutik, immaqalu aamma Tupaarnaq?

Ilanngupparattaq pilersaarutit pillugit 07.09.22 allagarisimasara.

Tamarmik ilaannaaluunniit taamatut iluatsissinnaagaanni alutornassagaluarpoq, sapaammilu 16.10. aliikkusersuinissamut qilanaarsaataalluarluni.

Qanoq isumaqarpit?

Inuss. inuull. · Med venlig hilsen · Kind regards Kúnak Lorentzen Imm. Pisortaq/Afdelingsleder

Beslutning

Piffissaq qanimmat neqeroorut ajoraluartumik soqutiginaraluaqisoq piffissaasuaffigineqarpoq. Taamaattorli tunumiit tikeraat sutugassannik kurv-mik pajunneqassapput. Til kr. 1.000,00.

Bilag

Musiske aktiviteter 2022.pdf

Scanned from a Xerox Multifunction Printer.pdf

Punkt 5: Tamalaat

Beslutning

Lucia Møller-Grønvold Kathrine Rasmussen Kielsen attaviginikuuaa, kisianni Kattaap napparsimamera tunngavigalugu aappaagumut anguniagaq siunniunneqarpoq.

Bilag

Scanned from a Xerox Multifunction Printer.pdf

Punkt 6: Imaqarniliap akuerineqarnera

Paamiuni Najukkamik Ataatsimiititaliami ilaasortat:

Siulittaasoq, Andrine Jensen

Siulittaasup tullia, Sussi P. Mikaelson

Ilaasortaq, Linda Petersen

Ilaasortaq, Pilunnguaq Hegelund

Ilaasortaq, Lucia Møller-Grønvold